

A Dios Su konsuelo den sufrimentu.

- ❖ Dos Korintionan ta e karta(epístel) den kual Pablo ta papia hopi ekstensivamente tokante konsuelo. E Iglesia tabata pasando dor un tempu difisil, i Pablo su karta anterior a hundi nan den un estado di tristesa.
- ❖ Pero e tristesa ei tabata “ santu,” guiando na repentimentu (2 Kor. 7:10). Asina ei Pablo no kier pa e tristesa ei poderá di nan, pero mas bien ku nan wòrdu konsolá.
- ❖ E mes a pasa dor di tempunan ora ku su propio bida tabata na rísiko i el a bira deskurashá (2 Kor. 1:8-10). Pero Dios a konsol’é, i awor é ta transmití e konsuelo ei na e iglesia (2 Kor. 1:6).
- ❖ E konsuelo di Dios i ta libra nos for di temor; E ta rekòrdá nos di e tempunan ku El a yuda nos; E ta yuda nos soportá aflikshon; E ta guia nos na madures spiritual; E ta enkurashá nos pa interesedé pa otronan; Nos ta konsolá un i otro manera nos a wòrdu konsolá dor di Dios.

B Santidat i sinseridat den ministerio.

- ❖ Algun hende a despresia Pablo, akusando é di ta debil i indesiso (2 Kor. 10:10). Pa e motibu aki, i asina ku su konseho lo wòrdu risibí i aseptá, tabata nesesario pa e apòstel defendé su mes kontra di tal akusashonnan.
- ❖ Komo un hende, el a konsiderá su mes insignifikante (Efe. 3:8). Pero, pa e gracia di Dios, é por gaba di tin un konsenshi kla (2 Kor. 1:12). E i su sosionan por bisa ku konfiansa ku su kondukta tabata santu i sinsero [puru], tantu den e iglesia i pafó di esaki.
- ❖ Pa e motibu aki, Pablo su skirbimentunan tabata liber di intenshonnan skondí. El a spera ku e kartanan aki lo wòrdu lesá i komprendé den e konteksto ei di santidat i sinseridat — esei ta, skirbí dor di amor pa nan i buskando solamente nan bienestar (2 Kor.. 1:13-14).

C Pa komportá ku sabiduria.

- ❖ Den su promé karta, Pablo a informá e Korintionan di e ruta ku el a plania pa tuma (1 Kor. 16:5-11): Efeso — Masedonia — Korintio — Judea.
- ❖ Den un karta mas despues (perdí, 2 Kor. 7:8) el a informá nan ku é lo bishitá nan dos bia (2 Kor. 1:15-16): Efeso — Korintio — Masedonia — Korintio — Judea.
- ❖ Sinembargo, el a kambia su plannan i a disidí pa no hasi e promé bishita ei (2 Kor. 1:23). E kambionan aki a guia algun pa kritik’é di ta instabil i basilando. Pakiko el a kambia su mente?
- ❖ Pablo su presensia na Korinto tabata parse nesesario pa motibu di e problemanan einan. Pero e oposishon ku é lo kontra kune a impliká un konfrontashon ku é kier a evitá, pa motibu di e gran amor ku e tabatin pa nan (2 Kor.. 2:1-4).

D Pordon i restorashon.

- ❖ Mientras ku Pablo tabata riba su kaminda pa Troas, Tito a bai na Korinto. For di Troas, Pablo a bai na Masedonia. Pero é tabata grandemente ansha(aflihi) pasombra Tito no a top’é na Troas pa dun’é notisia tokante di e Iglesia na Korinto (2 Kor. 2:12-13).
- ❖ Djis despues, Tito finlmente a topa Pablo na Masedonia. El a bis’é kon e iglesia a reakshoná masha faborabel na e apòstel su spiertamentunan (2 Kor. 7:5-9, 13-16).
- ❖ Un di e asuntunan ku nan mester a resolvé tabata konserní disiplina di iglesia. Obedesiendo e apòstel, e partido ofensor a wòrdu reprendé, i nan a aseptá e reprehon(skual). Awor, Pablo a pidi nan pa tuma e siguiente paso: pordon i restorashon (2 Kor. 2:5-11).

E E fragansia di Kristu.

- ❖ Komentando riba kon Dios “ a habri un porta ” pa e vangelió wòrdu prediká eksitosamente na Troas, Pablo ta rementá den un gritu di alabansa i viktoria: “ Pero gracia sea na Dios, Kende semper ta guia nos manera katibunan den Kristu Su proseshon triunfal i ta huza nos pa plama e aroma di e konosementu di djE tur kaminda ” (2 Kor. 2:14).
- ❖ Manera un fragansia ku ta plama tur kaminda, e konosementu di Kristu ta alkansá tur alma. Pa e Korintionan, manera na nos, e fragansia aki ta di bida etèrno. Sinembargo, pa esnan kende ta rechasá e yamada, esaki ta un holo di morto. (2 Kor. 2:15-16).
- ❖ Fihando riba e responsabilidat ku esaki ta enserá, Pablo ta splika ku e mensahe mester wòrdu duná sinseramente, sin buska ningun ganashi personal, sino e salbashon di e skuchadónan (2 Kor. 2:17).